

Lìngua sarda. S'interventu de Biancareddu in sa primu cunferèntzia aberta de sa lìngua sarda



Tzelebrada in Casteddu sa Primu Cunferèntzia de sa Lìngua Sarda e de is linguas minoritàrias: Sardu, Català de S'Aguer, Gadduresu, Sassaresu, Tabarchin.

Sa Cunferèntzia Aberta de sa lìngua sarda est organizada in aplicatzione de s'art. 6 de sa LR 22/2018, chi prevedet chi sa Regione organizet una

(Cunferentzia aberta pro sa lìngua sarda, su catalanu de S'Alighera e su tataresu, gadduresu e tabarchinu, comente trastu de impèllida, iniziativa e partetzipatzione a sa definitzione de is linias de indiritzu e a sa valutatzione de is resurtados cunsighidos. Sa Cunferèntzia naschet comente bisòngiu de cunfrontu intre is vàrios atores de sa política linguística regionale.

“Si colat dae una fase teòrica legislativa in fines a una fase atuativa, at naradu aberende is traballos, s'assessore regionale de sa Pùblica Istruzione, Andrea Biancareddu. Unu grandu isfortzu de s'assessoradu e de totu s'iscuadra, ma mescamente sa voluntade politica manna de trasformare su chi fiat unu bisu in una realidade. Giùghere sa lìngua sarda in is iscolas, in is isportellos linguísticos, in is mèdios de comunicatzione, tando in is giornales, in is tv e in is ràdios. Fàghere connòschere s'identidade nostra, s'identidade de unu pòpulu e fintzas sa lìngua. Ethnos, chi cheret nàrrere pòpulu in sentidu ampru, no est petzi su de èssere pilioro o pilinieddu, ma apartènnere a una ratza, a sa cultura nostra, is orìgines nostras e is costumàntzias nostras, is poesias nostras e is cantzones nostras, s'enogastronomia nostra. Duncas sa lìngua est s'istrazordinàriu mèdiu de locomotzione e de comunicatzione, de cuntatu intre is pòpulos e tutelare is minorias, a las avalorare, a las pònnere in cundizione de interagire intre issas, at sighidu Biancareddu. Sa Regione Sardigna dd'at fatu investende risursas e traballu. Dd'at fatu cun s'impinnu miu, chi nch'apo crèidu e de totus is collaboradores meos. Duncas custu est unu grandu resurtadu. Ispiegare su sardu podet èssere finas terapèuticu, podet giuare pro is livellos de aprendimentu de is pitzocos in is iscolas. Amus formadu is insegnantes. Como no andant prus is pensionados o is mannois pro faeddare su dialetu. Como andant insegnantes chi ant fatu su cursu cun sa tzertificatzione C1 chi nos giughet a unu livellu belle de madrelingua. Duncas b'est istadu unu brincu de calidade mannu. S'àtera proposta mea at a èssere su de insegnare s'istòria sarda. In is àulas finas a pagos annos no ant mai faeddadu de sa tziviltade de is nuraghes o de s'istòria sarda. Diat èssere unu mètodu pro disegnarre s'istòria, mancari faeddende su sardu, chi podet èssere gadduresu, tabarchinu e tataresu, su catalanu est segugiare gasi is figios nostros e tènnere una cultura de su passadu issoro chi est s'identidade nostra, at concruidu Biancareddu”.